

弱

水

集

弱水集卷二十一 樂府體咏古

蒲城屈 復悔翁著 曾孫 來泰志同錄

長洲馬 璞授疇 姪曾孫 兆鳳師文

評

武陵陳長鎮宗五 受業武進劉 綸眷涵

校

樂府體咏古詩 有序

三百篇無樂府名天子諸侯用之朝觀宴享樂府之源也流而為漢魏為六朝為唐代不一人各為體皆有知音傳後而行世或簡古雄麗悲哀振蕩互有得失要不離美惡抑揚一唱三歎者近是宋元幾熄矣明人往往規畫體貌怪誕至不可句讀惟一李東陽今樂府撫事陳詞猶得少陵遺意然頗少比興今天下學者一談真精神性命方習舉子業以求富貴利祿固不能為此不急切事志既得復不暇為即為亦不能攻苦又無真士碩儒為斯文領袖故人人自

謂握赤水之珠遍地皆凌顏轅謝方駕曹劉可  
勝歎哉余流寓沂上貧居多閒偶取古人在跡  
有合於心者次爲歌行取彼音節緯我性情候  
蟲鳴秋有不能自己者非敢索知音於名山也  
闕里自除

漢書光武初鮑永爲魯郡太守時彭豐屯兵於  
魯永討之未下忽一日孔子闕里自講堂至里  
門無故而荆棘除永異之謂府丞及令曰今者  
危急而闕里自開豈夫子欲使太守行禮助誅  
無道耶遂命修鄉射禮請豐等共會豐  
意亦欲圖永持牛酒來犒遂格殺豐

洙泗水流春復春沐日浴月開乾坤君不見魯郡太守  
鄉射禮講堂自除彭豐死地棘天荆逃墨歸楊天不可  
升我難爲言東家有犬主飼肉却爲西家守門戶只見  
詩書致風雲誰見轉輪飛昇去離經者盜魁叛道者必

誅聖哉神哉闕里除

謝安二氏爲靈應耳故首著大聖人以開愚蒙乃讀詩書而致身富貴者抑又何也東家二句痛切

田橫墓

在洛陽城東二十里

西洛水北邙山誰之墓蠹三川雲匝地草連天名者橫  
姓者田龍爲魚鼠變虎感高義歎廣武風稜稜雪漫漫  
幾陵谷古道邊行客薦尙突兀不帝秦恥周粟

西臺哭

海上潮聲夜鳴咽飛來柴市化爲碧誰知盡是謝公眼  
中血荒江風雨西臺路行人莫問傷心處至今遺記五  
百年尙留一塊乾淨土我欲讀之亦痛哭哭我一生無

破屋

劉元鼎使車

唐書

杭稻離離桃柳依依夾道來觀使者車心不忘唐心已  
灰河梁故城猶未隳龍支新城洮河西蘇武持節事則  
非父老數千人淚下不可揮子孫今盡成羗兒杭稻離  
離桃柳依依心不忘唐心已灰見唐冠服令人哀子孫  
今盡成羗兒心不忘唐誰當知之蘇武持節事則非淚  
下不可揮

音節  
入妙

項王救臨汝侯猷

北史

杜默哭項王淚臨汝飲項王酒醉如泥捷如風雨數百

騎楚王來吳興臨汝酒爲兵田父眼所見十日卜無靈  
王之英雄未成帝默之文章未一第不濟窮途但救刺  
史項王神何有痛哭不如酒

爲貧士吐氣爲  
勢利人說法

女子碧狂呼

漢書

高皇大怒怒不息九月殺汝歸我國市上何來女子碧  
秀未起莽已敗野狐鳴村犬吠中興已兆狂呼矣碧翁  
不語碧娘語

鄭縈相

唐書

榆柳非不長安可作棟梁砥砢非不觥安可薦廟廊唐  
家之相有鄭五獨知拂衣去豕羊化虎豹燕雀成鳳鸞

歇後且不能何能安鼎鉉嗟汝安有使君錢

泰山石

漢書

元鳳之明古無匹泰山之石天所立孟生之誅何足惜  
孤鳴與鬼火猶借神明力白鳥數千胡來集誰差天下  
亦先識

昆陽戰

漢書

漢三千乘新百萬兵昆陽之戰地裂天崩二十八宿氣  
縱橫帝星炯炯耀紫清何言符讖知太平屋瓦高飛作  
陣雲虎豹犀象皆蛙聲功高宇宙當中興大風起兮洗  
秦腥

恆不死 越絕書

濕易雨飢易助興亡由人天何意智而愚果中李興亡  
由天人何與吳國未亡太宰不死太宰果不死天耶人  
耶直其然耶

五丈原星實 三國志

師六出三分一中營星實何急大如斗赤如日千軍望  
之皆雨泣清渭東流劍閣深中原從此無消息愁外山  
青意中水碧

相如犢鼻褌 史

犢鼻褌如此貧賤安能文男兒不遇等泥土遇卽氣凌



雲詞賦驚天地聲名動乾坤武皇一歎賞九州無處不  
狂吟皆曰長門不止直千金

鄧通錢

史

黃頭郎君忽有錢王侯公卿皆比肩爾錢來何路乃敢  
凌豪賢古無不崩之銅山日中有錢人所羨日夕餓死  
人不憐

申生撲蜜蜂

左

撲蜜蜂撲蜜蜂一撲撲向黃泉中黃泉有路最昏黑孝  
子冤死誰分明不願分明願我生身母得永遠相從世  
上二人慈愛無比兒罪業甚大且重

黃金臺

黃金臺如高復如低高則嵯峨高天上仙人玉女擁仙  
仗低則淪落下黃泉魑魅攫人開華筵今日不低亦不  
高春雨春風長蓬蒿過客猶惜禮賢處走成東西南北  
路嗚呼不延英雄延狐兔

豫讓橋

汝衣我幾縷細續汝著我芒屨幾兩麥飯豆粥得盃得  
盃得盃所望患難同死生一朝棄恩鴻毛輕杜門塞牖  
舍自今以往滴水勿傾君不見順德城外之荒郊行人  
盡說國士橋國士橋下水混混猶是衣上流血痕

力士椎

力士誤推人共惜搜之無跡疑鬼伯天地且震動日月  
亦變色祖龍不死安可得溫涼車先已褫魄

始皇坑

始皇坑儒無遺類生者盡是刀筆吏坑灰難覆鮑魚氣  
卽時蕭何入關去不收詩書收圖籍叶嗚呼士不用時  
不如死漢家卜式方富貴腐儒留亦無着處

葉公龍

真龍假龍亦何常葉公之好誠荒唐慕名而來見恐惶  
雷霆風雨鋒不可當山雞野豕麒麟鳳凰

張儀舌

一舌存六國亡

叶

領險之害  
六字已盡

亞夫玉斗

史

宴罷日在鴻門柳不見沛公見玉斗撞而碎之碎肝腑  
天下英雄謀愚夫往往不能保身首

阮咸禪

世說

五月披裘七月曝禪不可拾金寧可諱貧未能免俗魯  
人獵較七月曝禪膈月衣葛皤皤朝陽衣裳煌煌瞑暝  
夕陽犢鼻煌煌不如杯酒千秋萬歲彼何爲者聊復爾  
爾

古押衙藥

唐人小說

古押衙有仙藥生者能死死能活復能使已頭顱落頭  
顱落心所作古來天下有心人  
不患無頭身蕭索但患  
有頭無處割

天下有心人  
同時墮淚

褒姒笑

左

笑非笑諸侯到笑可笑大戎到笑之不已乃傾國一笑  
之妄空相噪海揚塵谷爲陵腐儒觀笑笑絕纓爾笑莫  
絕纓爾但無國可與傾

公孫弘布被脫粟

史

故人官高我所欲高官愈高我非福丞相之官官高極

布破脫粟亦天祿  
澠者酒坻者肉黃者金白者玉闔者  
不絕汝已足

蘇秦印

國策

六印繫在丞相肘黃金出在妻嫂口季子長在父母首  
霜電節旄在前後不炊不予氣一吐口饑打手噬膚滅  
鼻自家骨肉猶如此

崔浩史

北史

崔浩史史在身已死身死史不磨殺之待如何漢皇焚  
本紀本紀至今在所南藏井中井中光更大窮居著述  
可千古何必猖狂事魏武

高允生

北史

浩也死矣允也生豈曰明哲能保身人鬼須臾中有天  
死生有天何足計嘉哉不負翟黑子來者藉口羞應死  
魯女嘯

老女不嫁倚柱嘯草野處子憂廊廟憂非其憂鄰母笑

繫馬馬脫韁踐葵葵根傷誰其識者同亂亡

宋文燭

通鑑

當斷不斷受其亂秉燭燭光光照劍禍由骨肉何其驗  
天文在天尚茫茫蜂目豺聲事難變人誰無子可無鑒

宣華夫人同心結

通鑑

黃金盒子同心結宣華夫人不敢揭安知非毒毒更烈  
中是阿翁心腑血阿翁有口難再說阿母地下方捲舌

福生鼓

三國志

福生鼓力如虎石破天驚疾風雨阿瞞聞之心膽寒四  
座賓客色如土鼓兒響蓼蓼胸中自不平天下有知音  
天下一孔融漁陽搥搥嗟神妙脫禪著禪氣浩浩汝視  
老奸如天人我視老奸其如視諸斯乎何足道

羊左柳

楚道遲遲雨雪霏霏一存不存兩斃何爲古柳無枝空  
柳有皮客睨而笑曰此我衣君當行矣雨雪雖霏霏永



不兩寒飢纍裊列鼎在漢水湄前日與君同舖糜柳下  
雨雪霏霏上有烏啼彼高車駟馬者誰來柳下涕纍纍  
前日與君同舖糜偷生背名義安得爲男兒欲不垂涕  
不能已左手提長劍右把故人衣曾共舖糜不共死焉  
用故人富貴爲今時重利而輕非貴易交富易妻曰古  
無此事焉用空柳爲摧燒之當風揚其灰我欲問此柳  
事果有無雨雪霏霏夜有烏啼

故人衣空柳  
也可泣鬼神

### 鄭褒美人掩鼻

鄭褒不妬美人剗楚王夜抱梟母宿爲我謂鴛鴦難與  
作雙丈夫心如石妖狐化爲狼陰風靡漫何無已焉方

之女亦憂死死者不復生我思顏魯公愛而殺之與譽  
同梟母一梟子百雄孤雌孤拉雜立

伏波裹馬革

漢書

死疆場裹馬革英雄之志適自賊果令戰鬪死何用裹  
馬革飛鳶站站欲墮安能來子食不裹馬革裹讒慝願  
爲少遊安可得英雄之志適自賊死疆場裹馬革

岳武穆金牌

宋史

嗚呼金牌爾何物其力乃能撼山岳撼山岳南以北英  
雄當清君側惡長舌可短胡不割良弓能藏鳥盡時冬

青安得杜宇哭

韓彭諸公  
猶不枉死

晉隱公菟裘

左

菟裘未營友愛殺身爲我殺人者卽爲殺我人鍾巫之祭徒紛紜

人盡夫

左

人盡夫周氏之汪鬼夜呼人盡夫此嫗平生定何如茶樹不可移鳴雁不可孤謀及婦人人盡夫

世有懼內者何也

懿公鶴

左

鶴當甲鶴乘軒甲今日甲言平日言犬儀同鷹郡君人主之好心殊路分女謁宦寺鶴在鷄羣

踐妖夢

左

踐妖夢有宦女胡爲懷羸乃侍其子虎觸耳狼跽尾國  
猶有人工用反首拔舍車脫輻火焚旂物背德不祥虎  
狼何威物背德不祥妖夢踐否徒爾爲

蹇叔哭

左

師之出蹇叔哭師不入國人哭穀函谷三軍哭哭不省  
墓木拱墓木萬丈智出其上悔不可追悔猶有望

絃高乘韋

左

人生有心牛死有革犧牢六隻能存鄭國我布衣君華  
服我食粟君食肉君者誰卿大夫瞪相視識高無

先軫唾

左

武夫百死婦人一語不顧而唾君膺其過臣膺其禍挾之以兵忠憤匪經匪忠憤之匪經巧笑柔聲臨敵必生

霸西戎

左

戰鄢陵楚不競秦用囚霸西戎止係其明無係敗成嗚呼有穆公

班姬扇

執扇復紉扇秋風不相見明月盈方虧霜雪皎多變懷袖易出入恩情難久戀長得居炎時能保無新恨

王始帝號

通鑑

狗逐狡兔學虎嘯泰山之側有愚盜抵死不肯去帝號

刀環一觸口一張崩卽崩爾亦帝王雄兔撲朔雌兔走  
風中猛虎釜中狗綠林數萬真甲兵皇后皇后非舌咎  
吁嗟乎翠旌羽毛秀華金枝身著青衣行酒時

管幼安接羅

三國志

徵且名終難到士各有志從所好一身襁褓錦衣大笑  
君莫笑至今猶重白接羅不重魏氏烏紗帽

范氏槐

左

范氏老槐好東牀佳婿坦腹風清涼雖蒙繫援亦徜徉  
欲而得之心所旨婦家錢索勝人疆家中況穴百萬錐  
但得婦家錐多錢索長紡死槐下俠骨香

此類  
不少

野人馬肉

左

野田有馬野人有肉飽哉危哉命懸口腹物駿則毒無  
酒則死秦王曰噫醪且旨怨不在大德不在深彼殺馬  
者乃知報恩

魯子敬國

三國志

兩國千石一國五百錢虜守之富則敵國一國五百指  
贈所善富可敵國忽削一半一升一斗已難任北固高  
高江水深周郎自是英雄士子敬豈是蓬蒿人赤壁之  
戰鬼神驚坐見東吳霸業成日日兵戈方蒼黃錢虜空  
穴百萬鏹我語錢虜虜不信金玉滿堂穀滿囤堦下盜

賊正曆刃

可作富兒  
座右銘

王景略蝨

蝨乎蝨乎爾能食人血安能入腹食雄略霸橋上有貧  
屨人能談天下治亂廢興且談且捫氣縱橫桓大司馬  
亦人傑視之乃與爾蝨同爾蝨爲蟣蟣初生乃在襁褓  
布襌中人士乃在大江東江東所衣皆錦繡非不欲談  
捫已空孤得景略如卧龍卧龍乃在霸水橋上塵埃中  
興廢出在卧龍口治亂懸在卧龍手蝨乎蝨乎汝何有  
蝨乎蝨乎無符堅且捫且談皆空言

辟重

左



辟傳易辟重難召伯宗崩梁山其若朽壤何絳人有言  
牛有輓車有轅天下有道野無遺賢竭力耕田

不食新

左

君不食新巫不食新被髮而踊有鬼神低田種麥收在  
困高田種穀將欲稔君當思良臣良臣可思復生難呼  
天不明趙氏冤子孫誅戮死鳥雀翱翔鳴高者山流者  
川穀麥不種君何餐願與子同餐白日卽再中安得起  
黃泉秦醫不治嗟彼桑田

繞朝策

客乎客乎將歸國乎策乎策乎客心孔急助之速速乎

速速越越馬在河濱笑秦之無人策乎客乎禍乎福乎  
能及馬股莫及馬腹策乎策乎驚魂動魄

君之癸

君之癸臣之癸二癸相嗾臣者豪門前有槐園有桃觸  
槐者誰神癸諒不一痴龍安能去子逃痴龍於何有蛇  
飛騰雲雨君癸臣癸在人口

鄭靈龜

股肱可以戕心口腹可以殺身相視而笑指動不靈枯  
魚游釜喜有水枯龜游鼎須臾耳羹入千人口禍來一  
人死國破家亡事成名敗微哉危哉慎勿撚指

上下手

上其手下其手一上一下手爲口囚口視手以左右外  
尹持戈介弟走狐媚有心虎無威汝欲殺王子鬪我欲  
殺伯州犁

讒子弟

明明伯明日月之光躬遠貝錦在彼窮疆民尙清靜狐  
尙草莽拉雜則壤內外咸媚心授之讒豺虎不食而目  
毒以甘寒雖我後悔無及我先凡百君子毋易藥言

茅鴟

茅鴟茅鴟美澤爾車茅鴟之雌棲於盧蒲各定爾婁諸

茅鴟踈踈盧蒲如如各醉爾艾豸茅鴟之兆見血茂草  
艾豸枯槁婁豬顛倒茅乎鴟乎天富於朱

亦季世

彼季世今亦然五嶽甚廣大一身戰栗栗且寒民有寇  
讎女有錢野有皁隸願吾君社稷安不願大姬代山川  
牛助余

牛助余牛殺余天可勝無夢不可據自神其遇讒可神  
於餓夫鐘與環何辜寧風之棘首亦徒揭寵之者牛莖  
之者洩

盜有寵

盜可盜非常盜盜有寵可常保寵有時衰盜悔何追雲  
夢之澤盜寵何如

不悅學

冒原獸兮冒貨利兮冒女與酒兮勢位富厚不生章句

嫠婦紡

望紀鄩而飲泣泣罷閉門慘不愴家中尙有麻人視室

中燈有光一解夫死諒無罪君恩安可忘他家同享富貴

賤妾與君同死生一解髮短心何長度而去之幾十霜白

今夫讎得雪齊人六十縋而登一婦志定一國可亡一解

凜然

目盡腫

扶臄也身扶寡人之心心胡可扶閉門而哭扶心心腫  
愛及兩目白馬于于尾鬣朱朱以贈其姝嬖者必毒幾  
殺我尼父

驥茂惡

堂下一言堂上曰賢登堂談讌中心愴然鴻飛翱翔海  
燕在梁日月易逝云胡不鳴山風而號水激而吼枉用  
收器誰能執手山高水深佳哉邱壑我有新知樂莫斯  
樂

速不進

易  
卷之二  
速不進民保信太子永懷禍予恨太子恨何爲義無可  
爲爲亦誅截趾而適履剖膚而藏珠啼而走者彼婁豬  
古來受毒非一夫

石乞烹

克則爲卿否則烹鼠有時化虎魚豈盡爲龍至死不言  
亦鬼雄始同末異多變更乞哀萬端無一生

反地下

史

旌旄霜電備甲馬不地上反反地下地下如不反用此  
墓具何爲者秦鹿泉下逐高皇只恐新舊不相當舊鬼  
小新鬼大生而殺之絕後禍生爲社稷臣死爲叛逆魂

細柳之烈空報國不如獄吏忠謀深

深文可恨如此

韋祖思拜

南產卑狔獸西育半翅鳥蟣蝨微臣思夏王前舞蹈惶  
恐念已深手足勢難保痴情兼媚骨紅裳與錦襖一節  
理無違兩端物自天從來虎狼威可格不可擾

呂母怨 漢書

何物精衛欲填滄海愛子寃死慈母沽酒 解一室有刀劍

母夜哭子析有裳衣母朝出市 解一少年飲酒著裳衣令

殺人子已多時海曲有寃不能報資產長留亦何爲 解一

仰視衣桁已空懸俯視醇酒甕已乾刀劍已集懸堂邊



令頭已陳兒墓前

解一

精衛雖微細呂母乃寡婦令殺人

子不多時豈料填枯滄海水

解一

寄語滄海宜寒心呂母

不過一婦人

解一

足令男子羞死

### 崔烈銅臭

生兒貴不肖漢代有崔郎三公不富貴東園爲誰藏一

人獨言臭萬人皆言香錦繡擅麒麟文彩啜鳳凰此氣

非凡氣至大亦至剛薰天而塞地時俗薄都梁

果然

### 杜甫長鑱

杜詩

山中黃獨長生藥雪深三尺餘刷之用何物一刷腹不  
充再刷無餘糧三刷猶自可清聲動紫皇遂令生光焰

至今萬丈長當時諸富兒身與名俱滅爾曹萬穴金何如數寸鐵

徐達辭吳邸

天皇舊邸居有神何爲輕賜大將軍千鍾御酒淡流水  
但醉臣心不醉魂千條垂柳繞深宮千花萬草香玲瓏  
魂在夢中已不寧下堦百拜酒未醒自古龍情多變化  
惟知忠義開華夏

番僧拉王妃墮車

元史

八寶流蘇七杳車車中美人衣錦衣車前霞綵欄車後  
電輝輝御街花柳春動色街頭行人皆避易黃衣何來

者髡首騎肥馬車中人忽在車下巫山雲落塵漲天番  
聲四震天街瓦廟謀高遠愚莫知觀者敢怒空歔歔衣  
黃者番僧耶錦衣者王妃耶

文天祥十七史

願爲黃冠歸故鄉不願垂紳正笏朝玉堂柴市西頭鬼  
畫哭柴市東頭日無光一部十七史前有漢晉後有唐  
今古之天破天荒杜鵑血流無用處何如緘口留餘香  
香亦不可滅血亦化爲碧問君又從何處說

賦詩律

石林燕語云政和末御史李彥章言作詩有害  
經術自陶淵明至李杜皆遭詆斥丞相何執中

遂定傳習詩賦者杖一百或  
問丞相立法何意無以對

詩有名宋太平詩有禍宋南渡詩有律宋亡矣天有日月星地有山河海人有雅頌今猶在李御史何提舉安得長杖長萬里杖陶謝杖李杜杖古今杖天地詩一首杖一百詩三百杖何極幸哉衰周無此律

漢高帝大風歌

史

坑灰飛今天地腥坑灰滅今天地平沐日浴月今天地

清

一作明

明李茶陵有此體人多稱之諸名公繼作者不可勝數其淺深比興音節有目者所共觀予何敢阿好

弱水集卷二十二 樂府

蒲城屈 復悔翁著 曾孫 來泰志同錄

長洲馬 璞授疇 族孫 筆山文翰

武陵陳長鎮宗五 評 受業同邑劉申錫仝宋 校

樂府郊廟歌辭 有序

三代以上清廟明堂皆有樂雅頌存焉報功象德格於上下誠非細故漢有郊祀歌雄渾近古魏晉以降侈靡誇誕意無戒慎君子弗取然安世房中一代典章乃出婦人手予竊感之擬作十九章華不敢麗質不敢肆不知問者以爲何如

天壇

永鑒在德受命孔臧紫烟蒼蒼以罔敢弗惕士庶永康

地壇

大哉坤元億萬斯民庶俾予於新

日壇

維怠維荒不可以邦赫赫明明

月壇

維庶幾夙夜維斯民是賴敢曰有聯

社稷壇

匪衣食之不豐匪宮室之不崇匪黎民之不寧維予一人是懲

風雲雷雨壇

皇矣潤澤之皇矣震動之皇矣生成之皇皇維敬

山川

不崩不竭豈予小子之德

藉田

忠孝備矣民所天樹藝隆矣生所源躬秉三推黍稷維馨

蚩尤

敬用不祥敢忘其儀前鑒非遙敢忘其危念茲在茲

賓興

民之所懷實維賢智束帛弓旌禮或不備庶幾告子毋

或棄予

太廟

蕩蕩昭穆王業孔艱恭承禋祀佑之自天罔或不虔

皇考妣

曰予有慕高張七始罔極在躬敬承統緒德施久遠敢有逸志

先師

誦其詩兮讀其書兮歷百世兮嘉荐潔齊深仰止兮

立春

陰陽不忒順皇之德敬承天和下民咸殖永保遐福



夏至

南風之薰兮羣生茂茂兮物忌盈兮保永壽兮

獻俘

巍巍蕩蕩神不冥武臣用德天下平銜壁泥首威威靈

巡狩

大莫大典秩宗久莫久德與功五嶽備百度興民何貴  
貴休明

慶太平

四海無波萬民咸殖百官濟濟各敬其職首九叩酒三  
爵維予一人恐懼朝夕罔敢替

較安世房中似淺而真過之較練時日甚平而質過之季孟之間也玩其敬慎修省之意神明對越獨得郊廟大體

卿大夫士庶人家祀歌辭

有序

古者卿大夫有世祿世田以奉祭祀今在事則柴罷則與士庶人同擬作十一章望天下典禮樂焉

祖先祠

福祿濟濟瓜瓞綿綿積累是延匪積累之是延亦何有焉

考妣

天不改高地不改厚予何恃兮予何怙兮秋霜春露兮

里社

嘉穀旣登用享敬事旣阜旣康條理信義維神之賜

迎春

芒神提履露雙足土牛頭青身半赤東郊童叟喧晴日  
今年麥禾一畝一石

元日

衣冠蓁蓁椒漿旣陳雍雍穆穆孝弟一新太平天子千  
萬春

蜡

毋寵彼蠹賊傷我禾黍虐我場圃百神咸集飲食醉飽

鄉讌

神人十二干戈在手歡笑在口謳歌有在我有旨酒鳴

金擊鼓

五祀歌詞

有序

禮云大夫祭五祀歲徧訓者以戶竈中霤門井爲五而月令言行不及井祭法亦言國行而無井惟白虎通有之故漢晉以來五祀皆以井居一然學者以祭法月令爲古典可宗而井非焉余童子時聞先君子云先王之所以與祀者凡以報其功德而已門戶資以出入中霤資以居處竈井資以養生則井爲尤切禮與白虎通庶爲近理行於祖道時祀之義各當矣

戶

或墁或圀或西或南陰陽畜洩室家以安

竈

乃剗乃造養以火効敢宅神於竈物登豆籩厥功茂焉  
赤龍降止福祿綿綿

中霤

上祿穰穰神運中唐中唐鐘鼓中霤有土明明在土勾  
龍之嘏嘏哉神哉神哉臨哉

門

露瀼瀼穀登場閉而啟福萃止神旣坐樞在左守之熊  
熊以昌厥閭

井

弱水集

卷二十二 樂府

五

戰戰慄慄臨深而汲獲寸獲丈獲尺匪鑿曷耕匪飲曷  
食沐日浴月神之力

行

厥跬端祥好是正直義各於家好是出入萬里是由薄  
米來憂乃降洪休

創作全不依傍  
古人乃見識力

泥滑滑

泥滑滑莫出門出門雨多無行人羽毛泥汚何足云名  
號不美乃與豺狼羣

行不得哥哥

行不得哥哥彼有網羅與我爲仇叶我昔以爲好我今  
當奈何

鵲姑姑

鵲姑姑夜夜啼鳴鳴啼鳴婦不歸叶婦歸怒姑啼何  
爲叶

姑惡姑惡

姑惡姑惡姑不惡婦飽姑飢謂姑樂姑惡姑惡婦嬉姑  
哭叶

葛公葛婆割麥插禾

葛公葛婆割麥插禾我得者少汝得者多麥禾收汝倉

坐食無幾何葛公葛婆坐食無幾何飢寒我則那割麥  
插禾麥禾汝收倉倉空汝則那

必非無謂

折楊柳行

萬事皆有幾遺悔誠哉愚叔孫非不知夢中托豎牛

解一

謙恭僞下士漢鼎遂已虛晉侯寵胥童身死匠麗家金

盆同心結誤我怨獨孤

解二

大風歸故鄉運籌有蕭何沙

丘李丞相乃與趙高謀

解三

背德者不祥貪利者遭誅穆

公作秦誓屈原著離騷

解四

艷歌行

家雞飛上屋野雞飛上天在家賴妻子出門賴主人男



兒在他鄉賴有囊中錢欲住屋無梁欲渡河無船美女  
騎駿馬四蹄疾如箭君願妾爲婦奪妾手中鞭君家諒  
難爲動卽質衣衫欲住屋無梁欲渡河無船北風吹朔  
雪君飢我亦寒

採蓮曲

儂自搖櫓去浪底日團團暗喜風瞞好不在蓮不蓮

野田黃雀行

黃雀黃雀汝亦何苦率母子兄弟食我麥食我禾使我  
寒且餓大雪紛紛雲漠漠野田有遺粒一家戀此不飛  
去我鄰家有遊蕩子好身手工用睢陽彊蘇合彈在汝

前後左右有恩不報反爲仇  
嚙得玉環在何處我不汝  
怨人將腊汝

望羊裘

我無衣羊有皮無衣者寒有皮者飢  
嗟嗟我寒汝不惜  
汝飢當怨誰

決絕詞

雨落到地不上天水流到海不復還  
伯勞飛東燕飛西  
林茂鳥歸薪去火寒不聞靈徹乃仇趙宣

浩歌

皂則黑朱則赤神不明五色一囊有金作兒孫金入手

成寇仇木無皮不生枝鳥無翼安能飛逆吾德諂吾賊  
烹走狗食其肉殺耕牛取其革燭爲陽日之光悲欲死  
時如此寒露零鳩化鷹鷹喙利啄人心

太刻太毒然不  
如此不暢快

感遇篇

剖我胸中心剗我眼中珠燕麥難爲食兔絲難爲裘昔  
當拯飢寒觀者笑其愚浮雲自高飛河水自東流安得  
爲路人庶無恩與讎

釣竿

伯常子避仇河邊爲漁者其妻思之而作也每  
至河側則歌之余爲貪令荆文康所誣留濟四

載歸娶不得爰作  
斯什以代其思

釣竿釣竿餌芳且鮮  
餌芳且鮮嗟嗟四年  
有利者劍有貧者官  
妾有剪刀日月閒閒  
惟彼濟矣風露早寒  
河魚攸攸兮河水潺  
潺兮

### 鞠歌行

晉陸機辭序曰按漢宮閣有含章鞠室靈芝鞠  
室後漢馬防第宅卜臨道連閣通池鞠城彌于  
街路鞠歌將謂此也又東阿王詩連騎擊壤或  
謂蹴鞠乎三言七言言雖奇寶名器不遇却已  
終不見重顧逢知已以託意焉

吟梁父踰太行山川修阻雲飛揚陰山雪薊門霜  
殺遼敝裘延夕陽珠明月玉崑岡天清地寧浩  
茫茫青鵲語

玄鳥翔治者其誰商與唐濯蒙汜攀扶桑四海遊遨衣  
青光江海逝弓矢張飛鳥空情感何長

置之魏晉  
不可辨

丙申歲濟寧汪氏子病且死婦李少兒幼謂李當  
善事後人婦遂縊余高其義詩以識之

琴瑟同聲聲生雪霜牛馬同嘶李先桃殭

解一

妾爲君婦

水流石間知妾決絕亦已三年

解二

巍巍磐石水流石間

妾旣決絕何計後先

解三

翁姑尚可兒啼索乳兒且莫啼

無父何母

解四

病者在牀生者在梁一死一生乃見妾情

五

漆燈熒熒松花枝枝兒啼未止是母去時

解六

休洗紅

附紅兒傳

紅兒古東海郡人誓爲杜生妾然已有夫家在東湖恐不能濟約曰否則共死耳久之事露其母强致於東湖紅兒衣帶重札繼以縫紉夫稍近卽悲泣愁悴欲死獨居一室將浹旬焉臘晦夜大風雪深尺餘村野嚴寂無鷄犬聲志尋前盟而不識城中路忽念湖在東南乃逆風而行夜半至壕邊亦不聞鐘漏聲也遂越城而過至生門叩之不應復越牆而過直抵生所生方卧殘燈猶明彌留中以爲魂來矣相持痛哭逼如約已而家人悉驚起環視慰解之度不得便謂生父曰十日夜作如許結東尚須勸耶復怒目生曰所裂佩巾安在生唯唯乃大呼曰天地鬼神實聞誓言一痛而絕家人急救之而竟使已死復甦也吾初見時兒衣紅因名斯名而邑人皆呼曰紅兒紅兒云

休洗紅洗紅紅色淺東湖刺殺鴛鴦眼年年貪看芳杜

生空惹幽香不堪剪

休洗紅洗紅紅色落東湖挂在山城角一燈風雪夜飛  
來冷熱而今暉不着

篴篴引

公無渡河公竟渡河河深無底忠信奈何

善哉行

江湖不險河海不深天地夷庚溺我者心解一剖膚藏珠

何有他人牛哀化虎食母之身解二飲多則醉酒美且醇

雪深三尺葛衣尚存解三刈葵傷根腰鑱束薪兩腮無肉

以怨報恩解四黑白分明眼如點漆仰天大笑昨日之日

解五

三經黑石渡 三言

東山雲西山雨黑石關三回渡  
桂折風蘭摧露布帆來  
仙舟去天蒼蒼烟茫茫風冷冷  
心耿耿漢名士魯男子  
角巾羞大兒耻易水寒髮衝冠  
秦宮筑鬼夜哭登龍者  
空啼血屠狗者胆如雪龍之神  
虎之尊尾可拔珠可奪  
蕙嘆芝不逢時客一死婦人耳  
思一御淚如注馬如龍  
車如輅雁哀鳴不忍聽

雄奇古奧直  
追漢魏樂府

時無元禮流落天涯高漸離能爲荆卿復始皇孔融  
不能爲龍門復宦寺此其所以致恨見知己之難也

杜璽贊 三言



萬全人貢入太學父歿爲廬墓計時邊警日急或曰如寇何璽曰野死城死等耳竟終三年

虜在邊墓在野父子恩安可假杜太學方結廬白兔馴  
青松枯淚湧泉無乾土星三移終子怙死城居死荒墳  
志既定如有神天之高地之厚人之生誰無父龍泉雲  
孤嶺月紙上墨胸中血

銅駝禪院孫扶蒼携酒見過 四言

菲菲者花娘娘者柳離離春色客心何有戍鼓鐘聲催  
月入牖若有人兮篝燈握手君讀我詩我飲君酒一讀  
百篇一飲一斗日月其邁遭逢不偶風起夜寒松栢同  
吼

維蛟有宮四章三章章四句一章章六句丙子三

月長安作

維蛟有宮維龍不可以居龍則居之殃及於魚

解一江之

廣矣舟則濟之鵲蚌相持魚人利之

解一荷鋤南畝烈風

迅雷老農不顧雨非其時

解一維鳩之拙呼雨則靈蒼蒼

者天盍使其鳴鳩則鳴兮雨則零兮

詞近意遠

郊城民謠

碑在郊城北五里埠

天地之仁乃有荒年惟聖天子軫念飢寒

解一金粟如雲

舟車如風風雲疾飛賑我二東

解一旱苗得雨憂化爲嬉

飢者有食寒者有衣

解一飢寒已可征輸奈何連蠲四載

耕出種禾解一褰我餽糧還我故鄉昔鬻兒女歸見爹娘

解有田無種官則糴之有種無牛官則給之解一維官之

為兆民有慶匪官之為天子明聖解一聖德浩蕩九州至

遠聖德浩蕩遇災益見解一况茲郊城天子親臨天子萬

年永紀皇恩解一

送王式之任修文令

耳目未契牽絲鄰境君獨何為崎嶇參井蒼葭同聲枉

辱標題君獨何為唯諾災梨彼有丹砂修文產丹砂延年與

府言甘食多過耳白首今日相樂愁飽酒歡西山滕隴

北斗闌干採芳春深冰高三尺閉目相視慨慷如石小

弱水集

卷二十二 樂府

十一

驚鰲咳大笑蠅聲叢矢夜發欲借餘明

翠屏山銘

在萬全縣北三里兩峽高百餘丈望之若屏

寥廓揚青磊落下奇森壁杳冥危坐鼉鼉壓雪撐霜爭  
霞蓄翠悅以爲安望而生喟朔風倒射午日方莅鳥獸  
絕迹烟嵐斯異永藩萬全藐焉茲契

江福贊

宣鎮人正統中以都指揮守備萬全英宗北狩中官喜寧屢教也先內犯福得英宗密書遂計擒寧也先失鄉導謀益解他日乘輿得南歸時爲參將楊俊攘其功論者惜之

萬全是守賊臣授首今古同慨賞亦何有乘輿南歸乘  
輿北狩奪門公侯滿街而走介子焚山王濬樓船功不

可滅血食茲縣

江洪贊

字德容萬全人正德六年從征麓川累功進都指揮使七年遇寇江浦馬陷泥淖中棄之步戰手刃數十人死事聞贈廕

敗後成功天心是賴麓川之征風摧雲碎桓桓江公舍馬步戰一以當千風雲色變無功不旌無誠不發贈廕之典名與不滅

王鎮贊

萬全人嘉靖丁亥寇至葛峪及青草邊房鎮以指揮使總軍往禦身先士卒自辰至酉戰數十合衆寡不敵敗沒事聞贈廕

寇至而憂寇去而喜葛嶺敗亡乃旌戰士時維嘉靖患  
無寧歲白骨成邱誰非死事嗟嗟將軍青草邊房自辰  
至酉衆寡堪傷豹死留皮人死留名事去功存不愧鐵  
槍

追擬孔文舉姓名離合體

我欲驅車慨然一出匹夫當軸安能有二泌水可樂何  
必遠遊悔生中路聊且小休苦心填胸曠懷往古杲日  
在空人誰堪語惜彼甘棠其木已朽混俗紅塵空看鹿  
走拯溺沈水泰回春首射雉亡矢杳茲日久聯步金門  
傾耳異域耻羈邊庭誓褰馮華芳草萋萋綠遍南浦威

此別離忍辭吾土自黜故鄉黑夜深潛眷念蓬戶一望

渺然萬里之行齊于騏驥剛愎是用心負素志

一作發矢日夕

空懷大志惟此飄零豈得佳觀敏不好學文彩寔難慚而內

訟默默再計翊聖同羣無立錫地隻手擎天方知非才  
已而已而好共歸來

雖擬北海稍遜其  
古而微妙過之

東海草堂弱水集關西蒲城屈復悔翁撰